

QUÆSTIO MEDICA

CARDINALITIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 4. Aprilis.

M. JACOBO LEMENESTREL

DOCTORE MEDICO, Præside.

Est-ne eger ad λιβητομίας balneo præparandus?

I.

QUÆ renum aut vesicæ calore durescunt arenæ leves, jam co-
guntur in calculum solidiorem, nullis, dum utroque carcere coër-
cet, comminuendum λιθοθρυπίδι malleis. Hunc quælibet pars
corporis efferre potest: frequenter articuli: frequentius vesica & renes; ita
tamen ut illius maleficæ virtute sæpe-sæpius generetur, nec semper ab his
περὶ σπινθός accipiat. Exiguus occultè quasi serpit nihil dum suspicantæ ægro,
& peragrato per longos anfractus itinere, foras exigitur. Grandior, δειρ-
τικὸς, quibus maximè adhibenda cautio, nonnihil agitatus, penetrat per
ureterum & urethræ mazandros, μαλακτικὸς, balneo, aut semicupio prius
amplificatos. Sed prohi dolor! ei tanta accessit moles, ut iniquis spatiis
inclusus, loco dimoveri nequeat. Tunc in rene quiescens immobilis, diffi-
cili pondere & torpore solo molestus est: at stationis impatiens, multis etiam
horridus aculeis, perfodit summo cum dolore partem hanc, cui natura sen-
sum dedit exquisitum. Vis opem ferre laboranti, abstine à chirurgiâ, quæ
certâ & mox-futurâ morte acerbissimi cruciatus diuturnitatem occupabit:
solis lenientibus permulce potiùs vim doloris, cujus spiculis acrius percellit-
tur coarctato in ureteris angustis calculo: hic loci quò premittitur parietes
tantâ interdum feritate diducit, ut qui teretis tenuisque lumbrici gracilita-
tem repræsentabat, pollicis crassitudinem nonnunquam æquare visus sit.
Interea ne lamentetur æger, neve animum despondeat: qui irrepsit in
arctiora ureteris claustra, illinc se expediet calculus, & clementioribus phar-
macis, sensim, sed non citra dolorem deturbabitur in vesicam, in cujus

2

humore viscido & arenis tanquam in luto diutius volutatus, novum eumque durissimum induit corticem, ipsi foras viam affectanti moras interpositurum. Hic dum liberè spatiat, odium vitæ facit recurrente identidem impatibili dolore, quem mollire quidem poteris, at nunquam summovere, nisi per eam, quam denegavit natura viam, ferro resecratam, calculus extrahatur.

I I.

HÆC unica crudelisque medicina huic morbo crudeliori, sed non uni, debetur: scilicet consueto itinere intercluso urinæ, hæc mordaci sale velicæ collum exest, & quâ decurrat aliquando aperit in perinæo cuniculos multiplices, callo undique oblitos, claudendos nunquam nisi hic *κυστορικῶς* auferatur. Qualiscunque sit illa ratio quæ te operi accingit, non statim est distringendus gladius, & quovis tempore cuilibet obvettendus. Convenientissimam, si liceat, elige veris aut autumnii tempestatem, ut ex viris & mulieribus, senibus & pueris, feces eos duntaxat, quorum vires acutissimis hujus chirurgiæ doloribus, eamque brevi-secuturis symptomatis non infringentur. Non te ideo deterreat multoties & partitis vicibus pro earum ratione profusus sanguis, sub cuius pondere oppressæ languent, quo detracto recreantur. Exinanitis vasis impuri humores primis remotioribusque viis hærentes, non mochlicorum arietibus excutiendi, sed mollioribus catharticis per *επιχειρησιν* institutis blandè sunt è corpore subducendi, ut nullum sit ab opere periculum sic præparato ægrotanti, modò castam & cautam servet vivendi legem, & alvus frequenti clystere sollicitata fæces quotidie depomat. Et sanè multum prodest hæc præparatio ad minuendum dolorem & ad gravissima incommoda præcavenda: nam minori copiâ collectus sanguis, à sero & pluriâ bile purior nitidiorque gradu lentiori movebitur, & segnius excurrens in partem sauciam, eam ab inflammatione vindicabit, promovebitque orarum vulneris coagmentationem, cui potissimum eo inflicto, eductoque calculo studendum impensius, ut obductâ cicatrice non dissolubili, pars restitatur perniciæ integritati. Sic enim omnis factorum, aut ab ipso opere faciendorum remediorum administratio eò semper collineet: quod quidem propositum nunquam aut ægrius assequeris, si paulò antequam æger ultima experiri statuat, doloris ferociam mitigaverit dulcedine balnei.

I I I.

RECEPTUS loquendi mos solitarium ejus nomen non ponit laconico, non calidissimis aut frigidissimis aquis simplicibus, non his quæ sulphure, sale, bitumine aut aliis id genus adulterantur, quibus omnibus vix quicquam perniciosius *νιδιδος*. Per balneum quò sanitas conservatur, & affectus penè omnes oppugnantur, intellige tepesactæ & dulcis aquæ solium, in quò quotidie semel aut iterum, diutius & quietè sedens æger, acerbitate morbi lenit, diuturnitatem minuit; quippe quod temperato ardore sanguinis, gratiosum hunc succum fustum & liquefactum defert ad famelicas partes: obrundit aculeum bilis & serosæ illuviei: suavissimo rore æstuosorum viscerum agrum irrigat, dulcia fuserum papavera, dolorem advocato sopore placantia. Plerasque etiam *νιδιδος* molestias extenuat: accensum in re-

nibus & vesicâ ignem restinguit: abscedentem à crasso humore, cui non satis accuratè admiscetur, salem, concretionis lapideæ autorem dissolvit: in vesicam atque inde extra corpus derivat arenas & lapillos, quibus foras prodituris arctiores laxat vias: horrendos illos quos movent dolores, ceu blandum aliquod nepenthes non patitur manare longius, sed mirum in modum supprimit. Tot balnei dotes dum suspicis, cave ne illud ingrediaris quoties in mentem aut in libidinem veniet: suas sicut & nostra chirurgia cautiones amat, quas si neglexeris, multum capies ex hujus usu detrimenti. Nec enim tibi satis esse debet si fluxuri in partem dolentem humoris incurfionem fregeris ablata prius sanguinis copiâ & impuritate: luculenta sint niteantque viscera, nec eorum princeps aliquod infirmitas teneat, ne fortè humoris balnei tepore liquati impetu opprimatur: nulla pariter doleat insigniter pars ignobilis, cujus tamen maxima ad vitæ & sanitatis integritatem necessitas, qualis est mox-secanda ægotantis vesica, quæ cum sit imbecilla, brevique futura imbecillior, illatam sibi à balneo injuriam nunquam aut ægrè declinaret.

I V.

MISERABILEM ne credas hujus conditionem quæ aptè munus suum exequitur, & gaudet eâdem quâ ceteræ partes vacuitate molestiæ. Cum ægritudine cruciatur, receptis à naturâ beneficiis abutitur ad sui perniciem, ejusque compositio, temperamentum, situs, & usus, utramque valetudinem perficiunt aut demoliantur. Hinc prima origo ejus nativæ imbecillitatis; externæ atque adventitiæ, dolor est exsuscitatus calculo, cujus mole arcendæ urinæ itinere obviam objectâ torquetur; asperitate pungitur, dum, eâdem exclusâ, ejus membranæ subsident. Sed longè-majoribus quàm primùm angetur cruciamentis: equuleo admovetur æger: introduciunt in vesicam catheter calculum undique exploraturus: hæc lentè secatur gladio multoties eandem viam relegente, & non nisi erumpente urinâ è vulnere retrahendo, in quod immittuntur ferrei duo ductores, novum excipientes carnicem, qui hujus oras laceret, & in varias partes crudelissimè diducat: sequuntur incurvi forcipes, quæsitum diu calculum, si hæreat, evellentes; si grandior, dente prius contritum & apprehensum, vesicæ custodiis liberantes. Hæc magno tot instrumentorum apparatu miserè laniata, languet effræta, & sæpissimè præ tormentorum effrenatâ violentiâ concipit ignem *vesicæ* prævium, non compescendum, sed vehementius effervescentem imbre maximo, quò balneo extenuati humores vesicam irrigant. Licet longa ciborum abstinencia & tussæ ante & post *vesicæ* multoties *vesicæ* plurimum sanguinem exhauserint, residuum tamen in corpore, acerrimo etiam quò foetus erat sale vacuum, balnei calor colliquefacit, eique tribuit mobilitatem, quâ ceu præperibus pennis quoquoersum involat, & maximè in partes, quibus dolor incredibilis calorem & imbecillitatem insignem accersivit; ita ut quò diutius in eò moratus fuerit æger, eò gravius indè periculum emergat, à quò si optimæ naturæ vi salvus & incolumis subducatur, cum non tædeat diuturnitatis morbi ad longinquum tempus tamdiu duraturi, donec fracto omni humorum, qui ad partem vulneratam irruebant impetu, purgato vulnere obdatur pessulus firmissimæ cicatricis.

IN carnibus inest raritas quædam & assimilis spongiæ mollitudo, per quam transmissos humores balneo elicitos roris instar exudant crepidines vulneris nunquam obserandi, quin prius profluens eorum celeritas sistatur aut retardetur: in quo multum operæ & laboris consumendum, sæpe sæpius frustra: ex enim tenuissimo succo, usu frequentiori balnei evocato, madidæ & turgescences, in oppositas utrinque partes adeo recedunt, ut vix adduci, & adductæ conservari possint. Corporis habitudo eò facta laxior, nonnunquam dimittit in vesicam quos retinere nequit humores luculentum ignem accensuros: Hinc non modò disjunctæ hiantesque vulneris oræ patent, sed & natura ab instituto movendî puris officio excluditur, & putrescens inibi sanguis mortiferâ corruptelâ partem depravat. Atque adeo multum abest ut hanc pristino temperamento reddat, symptomatîsque occurrat, quæ calculi in vesicâ mora, ipsaque creavit gladij acies; quinimmo & graviora ciet balneum; ita ut si quis ægro benè-consultum iri credens, hunc ineunte vere in illud immerferit, tunc omitat chirurgiam differendam in autumnum senescentem; ut qui tenuissimus erat & mobilissimus sanguis, eò temporis spatio conquiescens, veterem concretionem recuperet, sine quâ omnis occludendi vulneris labor irritus futurus est: quippe quòd pus admixto eò humore, balneo jam attenuato, qui utramque vulneris marginem assiduo rore rigat, liquefactum diffunditur, crudumque & malè-coctum maturitarem omnem subterfugit. Facto pure cogitas de verrendo vulnere, operam perdes & scopas: balneum prævium huc aduehit eam sordium illuviem vix aut nullo modo expurgandam: & si quæ succrescat caro, laxa nimidum & multo humore diffluens, ineptam præbet materiem cicatrici, quæ vel nulla, vel mox refricanda inducitur. Ad quod quidem opus excitari non potest natura, nec admotis oleis quæ nocent instituto, nec ad id aptissimis medicamentis, quorum efficacia retunditur & eluitur stillante semper ab interioribus carnibus humore.

Non est igitur ager ad ληρομίαν balneo preparandus.

Proponēbat Lutetiæ FRANCISCUS GIRARD, Blesensis.
A. R. S. H. MDCLXXV.

PARISIIS,

Apud FRANCISCUM MUGUET, Regis & Illustrissimi Archiepiscopi
Parisienſis Typographum.